



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quàm extra corpus Juris Canonici vagantur ...

**Fargna, Francesco de
Montisfalisci, M.DCC.XVII.**

Casus I. Argumentum. Qui, & quot honores, seu præeminentiæ competant
Patrono in Ecclesia Patronali.

[urn:nbn:de:hbz:466:1-72191](#)

COMMENTARIUM.



X his duobus Canonibus talis communiter deducitur conclusio:
FUNDANS ECCLESIAZ ACQUIRIT IN EA JUSPATRONATUS , SEU JUS
HONORIFICENTIAE ; & eam probant Abb. Anan. Butr. Fagnan.
Gonzal. Barbos. in cap. Nobis de Jurepatr. Gloss. in cap. unico
de Jurepatr. in 6. ibique Monac. num. 15. Archidiac. num. 1.
quam sequuntur Garz. de Benefic. par. 5. cap. 9. num. 44. Ven-
trigl. in prax. tom. 2. annot. 1. de Jurepatr. §. 1. num. 3. Rota
decis. 221. num. 13. par. 8. recent. & decis. 163. num. 19. par. 17. recent. Lamber-
tin. de Jurepatr. lib. 3. quest. 1. num. 10. Lotter. de re Benefic. lib. 2. quest. 4. Rota
decis. 615. num. 2. par. 1. recent. & decis. 106. num. 6. coram Coccin.

- 1 Ratio est , quia fundans Ecclesiam dicitur quasi Pater , quia deducit Ecclesiam
de non esse ad esse , juxta Doctores relatos à Lambertin. de Jurepatr.lib. 1. quest. 1.
art. 2. num. 9. Sed filius debet reverentiam , & honorem Patris , ita & Rector Eccle-
siæ repræsentans ipsam Ecclesiam quasi filiam illius , qui eam fundavit , debet ho-
norare Fundatorem præ cæteris aliis . Ratio etiam ulterior est , quia concedente
Rectori Ecclesiae hujusmodi honorem Fundatori præ cæteris aliis , sic alliciuntur
2 fideles ad fundandas Ecclesiæ . Argumentum Text. in cap. 3. de Jurepatr. Virtutis
enim uberrimum alimentum est honos , Valer. Maxim. lib. 2. cap. 6. tit. de Instit.
Antiq.

Et sic eodem ferè motu excitati videntur Patroni ad fundandas Ecclesiæ , quo
impulsi , qui apud Romanos operibus publicis renovandis , & perficiendis impen-
fas præbebant , ut nomina sua fronti (ita edicente Imperatore) inscribi curarent , ut
patet ex l. ultim. de oper. public. vel qui iudicis publicis instituendis pecunias eroga-
bant , ut hæredes suos iudorum exhibitioni tanquam Agonothetas præesse manda-
rent . Pinzon. de Benef. Eccles. cap. 4. §. 1. num. 4.

Quoad hanc conclusionem sequentes examinantur Casus .

ARGUMENTUM.

Qui , & quot honores , seu præminentia
competant Patrono in Ecclesia Patro-
nali ?

SUMMARIUM.

- 1 Honor est maximum Bonorum exterio-
rum .
2 Rector occurrere debet Fundatori venien-
ti ad Ecclesiam , sed limita , ut nu. 3.
3 Patrono assignari debet sciamnum in Eccle-
siæ Patronali , necnon ejus hæredibus , &
quid s̄ plures essent hæredes .

- 5 Fundatori assignanda est Sedes non in-
trâ , sed extra Chorum , seu Presbyte-
rium Ecclesiae ; Sed limita ut num. 6.
& 7.
8 Rector præstare debet primo loco Can-
delam Fundatori in die Purificationis ,
Palmae ramum , Aquam , & Carbones
Benedictos , & Cinerem ; Sed limita , ut
num. 9.
10 Rector non potest vocare Fundatorem in-
jus sine via .
11 Fundator potest apponere insignia , & in-
scri-

- scriptiones in Ecclesia Patronali; Sed limitata, ut num. 12.*
- 13 *Rector Ecclesia anteneatur facere in Mis- sa commemorationem specialem pro Anima Fundatoris,*
- 14 *Magis sunt honorandi, qui Beneficia con- tulerunt, quam qui conferre queunt.*
- 15 *Patronis non licet in suo servitio Cano- nicos Ecclesiarum Collegiatarum reti- nere.*

C A S U S I.

Cum celebraretur Festivitas cuiusdam Sancti Titularis in Ecclesia A. Fundator pergens ad illam, supradictorum Canonum dispositioni innexus varios, & quamplures honores ab ejus Rectore sibi praestari intendebat, quos cum ei contenderet Rector, queritur in hoc Casu, quid Juris?

Honor est propriè Reverentia, & Dignitas, quæ quavis ex causa alicui exhibetur; & cùm sit maximum bonorum exteriorum, juxta Arift. lib. 4. Eth. & nulla voluptas humana videatur ad Divinam accedere proprius, quam ea delectatio, quæ ex honoribus percipitur, ut testatur Xenoph. in Cyrop. jure meritò Fundator Ecclesia actione supradictorum Canonum jus honorificientia ei concedentium exigere potest ab ejusdem Ecclesiae Rectore honores.

Qui vero, & quot honores praestari debant à Rectore Fundatori Ecclesiae; Doctores hic quamplures esse testantur.

2 Primò enim Fundatori venienti ad Ecclesiam Rector unà cum Clericis occurtere debet usque ad ambitum Januæ, dummodò sit Rex, aut Princeps, secus si fundans sit persona privata, ut limitat Abb. in cap. nobis de jurepatr. in 2. Column. in verb. sed quia, ibique Butr. num. 21. Anan. num. 9. Lotter. de re benef. lib. 2. quaest. 4.

4 Deinde assignare ei debet primum lo- cum in sessionibus, & processionibus, & ei concedere scannum in nobili loco Ecclesiae præ cæteris, quod jus retinendi scannum, si essent plures hæredes Patro- ni, omnibus insolidum eis competeteret; licet enim jus sedendi, quoad ejus sub- stantiam sit individuum, quoad ejus ta-

men fructum, nempe commoditatem se- dendi est dividuum, & dividi potest inter plures cohæredes. Cæsar de Graff. decis. 170. numer. 3. de jurepatr. Rota decis. 112. num. 3. coram Coccin. Et si Scannum esset adeò angustum, ut omnes cohæredes mi- nimè caperet, sedendi commoditas inter eos alternis vicibus dividi deberet per Text. in l. Rusticorum §. Aquaductus ff. de servit. Rustic. & alios quos refert Alto- grad. contr. 85. num. 29. tom. 2.

5 Sed tamen si Ecclesia sit Cathedralis, aut Collegiata Sedes Fundatoris non intrâ, sed extra Chorum, seu Presby- terium, & Sacrarium in dignori loco est collocanda, maximè si Fundator sit Fœ- mina, quæ arcetur à Choro, & Presby- terio ratione honestatis in Ecclesia ser- vandæ. Pignatell. conf. 3. numer. 7. tom. 3. & consult. 16. numer. 4. tom. 4. R. P. D. Petra in suis Comment. Conf. 7. Greg. IX. tom. 2. pag. 544. numer. 55. & seqq. Rota in Valentina Cappellæ. 5. Martii 1599. coram bon. mem. Justo, quam allegat. Lotter. de re Benefic. lib. 1. quaest. 13. num. 23.

6 Quod tamen limitarem in casu, quo Fundator esset Clericus, seu Persona Ec- clesiastica, quia si fundator sit Clericus, non est cur non possit habere Sedem intrâ Chorum, seu Presbyterium, dum Text. in cap. Ut Laici de Vita, & honestate Cleric. solùm prohibet Laicos sedere in- ter Clericos, ibique Gloss. Abb. Anan. num. 1. Butrius num. 1. Gonzalez num. 8. Barbos. num. 2. Et quidem optimâ ratio- ne, dum congruum non est, ut Homines disparis professionis, vel habitus socien- tur simul, Gloss. in Clement. 1. de Elec. Verb. Cum rationis.

7 Sed quid si Fundator sit Clericus con- jugatus, an possit habere Sedem intrâ Chorum, seu Presbyterium? Et affirmati- vè crederem respondentum, dummodò incedat cum Habitū, & Tonsura, quia juxta Text. in cap. Si qui 32. distinet. Clerici conjugati debent vigilare in psal- mis dicendis, ergo eis permittitur can- tare cum Clericis, & stare inter psallen- tes. Nec supradictus Textus prohibens Lai- cos sedere inter Clericos comprehendere videtur Clericos conjugatos; quia isti non sunt purè Laici, sed quoddam genus, seu

qua-

quædam species mixta, & in materia odiosa non veniunt nomine Laicorum, ut expressè docet Abb. in dicto Cap. Ut Lai- ci num. 6. quamvis Butrius contrarium sentiat ibi num. 1.

¹ Debet etiam Rector honorare Fundatorem præ cæteris Laicis in Pace, & in Turribulo, eique præstare debet primo loco inter Seculares candelam in die Purificationis Beatæ Mariæ Virginis; Palmæ ramum in Dominica Palmarum; Aquam, & Carbones Benedictos in die Sabbati majoris Hebdomadæ; Cinerem in primo die Quadragesimæ juxta Ventrigr. in prax. For. Eccles. Annot. 1. de jurepatr. §. 4. num. 8. Eique priùs offerendus est Panis Benedictus. Pinson. de Benefic. Ecclesiast. cap. 4. §. 3. num. 1.

⁹ Quod tamen limitandum est in concurso Domini Temporalis illius Loci, ubi fundata est Ecclesia, aut Episcopi. Si enim in Ecclesia assisterent functionibus Ecclesiasticis Dominus Temporalis, Episcopus, & Fundator hic non deberet præferri illis, quoad honores, ut notat Fagnan. in cap. Nobis de jurepatr. Pignatell. Consult. 81. num. 42. tom. 9.

¹⁰ Item Rector Ecclesiæ debet talem honorem Fundatori, ut non possit illum vocare in jus sive venia; nec contra cum machinari, tum propter rationem naturalem, quod benefacienti benefacere debemus, tum quia Patronus Ecclesiæ habet maximam similitudinem cum Patrono Liberti; sed Libertus non potest vocare in jus Patronum sive venia; ergo nec etiam Ecclesia, seu ejus Rector Paulus de Cittadin. de jurepatr. par. 6. art. 6. vers. secundò debetur honor.

¹¹ Honorandus est etiam Patronus in appositione Insignium, & inscriptionis in Cappella, vel Ecclesia Patronali, dummodo hujusmodi stemmata gentilitia sint intrà sphæram honestatis Ecclesiæ accommodata. Amofaz. de Causis Piis lib. 5. cap. 7. num. 38. R. P. D. Petra in suis Comment. Confit. 7. Greg. IX. tom. 2. pag. 543. n. 48. & dummodo sit descendens à Fundatore, si enim sit Patronus Extraneus non potest apponere Insignia sua Tuscb. Conclus. jur. conclus. 600. num. 19. littera I. Pascucc. in Compend. Pignatell. de Armis Gentiliis ad consult. 26. tom. 1.

Insignia autem, & Inscriptiones amoveri, seu deleri non possunt ab Ecclesia, absque consensu Patroni, itaut Rector, seu Administrator Ecclesiæ delens, seu amovens dicta Insignia sine licentia Patroni puniri debeat arbitrio Judicis. Immonec Episcopus potest ea auferre, nisi gravissima causa id postulet, etiamsi familia esset extincta. Antonell. de Regim. Eccles. lib. 3. cap. 5. num. 31. Tondut. quæst. Benef. cap. 37. num. 12. Lambertin. de jurepatr. lib. 3. quæst. 5. art. 4. num. 7.

Sed Patronis Collegiatarum, aut Dominis Temporalibus Locorum non convenient, quod quotiescumque ad illas accedunt, audiendi causâ Divina Officia, quando dicitur Confessio, & decantantur Kyrie, Gloria, Credo, Sanctus, Agnus Dei, Magnificat, Clerici, & Canonici cum apparatu accedant ad locum, ubi dicti Patroni, & eorum familia sedent, & quod, priùs factâ profundâ inclinatione, recitent illis ibidem dictas orationes, & iterum facta inclinatione revertantur ad Chorum; cum hujusmodi actus non convenient, nisi Episcopo, excepto incenso, & pace, quæ danda sunt dictis Patronis, & Dominis per eosdem Ministros, qui ea dant Canonici, vel Episcopo, si adessent, ut fuit resolutum à Sacra Congregatione Concilii in Seguntina Augsti 1587. lib. 5. par. 24.

¹³ Quæri huc potest, an Rector Ecclesiæ debeat talem honorem Fundatori, ut quotidie teneatur facere in Missa commemorationem speciale pro ejus Anima. Et in hoc distinguendum est, aut Fundator in limine Fundationis non injunxit hujusmodi onus, & in hoc casu Rector non tenetur facere commemorationem specialem pro Anima Fundatoris quotidie; sed justum, & laudabile erit, si facit pro ea commemorationem generalem, ut vult Lud. Rom. in conf. 339. aut illud onus injunxit in limine fundationis, sicuti potest ex Text. in cap. Significatum de Præbend. & in hoc casu tenebitur, dum voluntas, & dispositio Fundatoris est servanda, cum jus non resistat L. Non aliter. ff. de Legat. 3.

Sed contra hæc objici potest. Supradicti Canones solùm concedunt Fundatori illum honorem, qui debetur omni Chri-

Christiano; sed supradicti Honores, non debentur omni Christiano; Ergo isti *Canones* non concedunt supradictos honores Fundatori. Respondetur enim, *Canones* hos concedere illum honorem Fundatori, qui debetur omni Christiano non simpliciter, & absolute, sed cum addito scilicet *Patrono*, ut sunt honores supradicti. Rectum enim est, ut cum honor sit benefactivæ Gloriæ indicium magis honorentur, qui beneficia contulerunt, deinde qui conferre queunt. *Arist. lib. 1. Rhet. ad Theodect.*

15 Non debetur tamen Patrono talis honor, ut scilicet in suo servitio retinere possit *Canonicos Ecclesiarum Collegiatarum* de Jurepatronatus, ut fuit resolutum à *Sacra Congregatione Concilii in una Seguntina 20. Febr. 1593. lib. 7. pag. 93.* nisi in limine Fundationis hoc sibi reservaverit; sicuti potest, ut dicam infra par. 2. *Can. XXVII.*

Ex quibus omnibus patet opus Fundationis Ecclesiarum, cùm habeat pro præmio honorem, præstantius esse cæteris operibus, dum ut nos docet Aristoteles *in l. primo Rhet. cap. 9.* Quorum præmium honor est, atque laus longè præstantiora sunt, quām ea, quorum præmium est pecunia. Unde de Fundatore Ecclesiarum canere possumus, quod olim cecinit *Vates ille.*

Dum juga montis aper, fluvium dum pescis amabit.

Dum tbimo pascentur Apes, dum rora, cicadae;

Semper honor, nomenque tuum, laudesque manebunt.

Virgil. *Eclog. 5.*

ARGUMENTUM.

Fundans Ecclesiam non acquirit Jus sepulturæ, nisi illud expressè reservaverit in limine fundationis. Nec defuncto Patrono absque electione sepulturæ Ecclesia Patronalis potest prætendere Jus tumulandi illius Cadaver.

S U M M A R I U M .

- 1 Sepulcrum numeratur ab Aristotile inter partes honoris.
- 2 Fundans Ecclesiam non acquirit in ea jus sepulturæ, nisi in limine fundationis hoc sibi reservaverit & num 6. sed limita, ut num. 7.
- 3 *Jus sepulturæ quid sit?*
- 4 *Jus sepulchri non transit ad heredes extraneos.*
- 5 *Glossæ in cap. Unic. de jurepatr. in. 6. versc. Item, & in cap. Qui sentit de reg. jur. versc. Item eodem libro expli- cantur*
- 6 Fundator non habet jus concedendi sepul- turas, vel Cappellas in Ecclesia Patrona- li, sed limita ut ibi.
- 7 *Jus sepeliendi Cadavera Parochianorum decendentium absque electione sepulturæ, & absque sepulchro majorum spectat ad Ecclesiam Parochiale.*
- 8 *Parochus sepeliens alienum Parochianum, tenetur restituere corpus.*
- 9 *Jus sepeliendi proprios Parochianos est jus Parochiale.*
- 10 *Patronus Ecclesia Parochialis, cuius est Parochianus decedens absque electione Sepultura est sepeliendus in illa.*
- 11 *Parocco debetur Canonica portio pro fu- neribus proprii Parochiani, & quare &*
- 12 *Confuetudo Sacris Canonibus contraria di- citur corruptela.*
- 13 *Immemorabilis difficile probatur, & qua requirantur ad ejus probationem?*
- 14 *Proprietas clara absorbet possessionem.*
- 15 *Confuetudo contra jus commune ad hoc ut sit valida quid requiritur.*
- 16 *Vocabulum Matricis est equivocum.*
- 17 *Ecclesia Parochialis debet habere certum Territorium, alias non esset Parochialis.*

C A S U S II.

Fundans Ecclesiam an acquirat unà cum aditu processionis, seu jure honorificentiæ jus sepulturæ cum privativa, nè alii nisi ipse, & ejus Descendentes se- peliantur in dicta Ecclesia.

Et videtur quod Fundans Ecclesiam ex eo quod per supradictos *Canones* acquirat jus honorificentiæ, acquirat etiam jus sepul-